



Medetomidine Nnuro a Wode Ma Ho Kɔkɔɔ

Medetomidine (MEH-deh-TOH-mih-deen)

Medetomidine yɛ aduro a ɛma obi dwo a wode fentanyl afra mu. Wɔdii kan hunuu no wɔ Philadelphia mpɔtam ho wɔ Oforisuo 2024. Ɛfiri ahuhuro berɛ mu wɔ afe 2024 mu no, wɔahu no wɔ Massachusetts nso. Ɛduruu Ayɛwohomumɔ 2025 no, medetomidine daa adi wɔ nnubɔne a wɔpaw firii amantam biara mu wɔ ɔman no mu. Massachusetts Mfimfini ne Atɔɛ fam na ɛwɔ nnuro a wɔahwehwɛ mu a ɛdɔɔso pa ara.

Deɛ Ɛsɛ Sɛ Wohwehwɛ

Ntweho: Nnipa a wɔtaa nom nnuro a medetomidine wom no bɛtumi de wɔn ho ato so. Sɛ wɔgyae medetomidine nom a, ebia wɔbɛfa ntweho tebea mu. Ntweho tebea wɔ medetomidine ho no bɛtumi ayɛ aniberesɛm. Ɛbɛtumi afiri aseɛ ntɛm pa ara nso. Ɛbɛtumi ama akoma abɔ ntɛmntɛm, mogya mmorosɔɔ, ti paeɛ, ɛtware anaa ahowosɔɔ, ɔbɛte nka sɛ ne ho yera no kɛse anaasɛ ne bo afu, anaasɛ ɔbɛhu nneɛma a ɛnni ho. Ebia ɛho bɛhia sɛ nnipa no binom kɔ ayaresabea ansa na wɔn ho ato wɔn.

- Sɛ wowɔ saa nsɛnkyerɛnne ahodoɔ yi a, kɔ aduruyɛfoɔ ho kɔpɛ mmoa ntɛm pa ara. Bisa sɛ wɔnyɛ medetomidine ho nhwehwɛmu mma wo sɛdeɛ ɛbɛyɛ a wɔbɛtumi asa wo yareɛ.

Aduro dodoɔ a ɛboro so ne Adeda:

Medetomidine nyɛ opioid, nanso wɔtaa hu sɛ ɛka fentanyl ho, enti wɔda so ara kamfo naloxone (Narcan) a wode ma boro so no.

- Fa w'adwene si ahome a wode gye nkwa so na hwɛ hu sɛ onipa no koko bɛpagya na ako fam. Anyɛ yie koraa no, twɛn simma 3 ansa na wode naloxone dodoɔ foforo ama. Sɛ wɔbɛtumi a, frɛ 911 berɛ nyinaa.
- Esiane sɛ medetomidine yɛ aduro a ano yɛ den a ɛma obi dwo anaa da nti, ɛbɛtumi ama no ayɛ den sɛ wɔbɛdane nnuro a wɔafa aboro so no. Ebia onipa no bɛfiri aseɛ ahome kakra na ɛkame ayɛ sɛ n'ani nte saa, enti ɛho hia sɛ wokɔ so hwɛ wɔn.
- Ma naloxone ne nkwagyɛɛ ahome, nanso pɛ mmoa fa hwɛ sɛ onipa no bɛkɔ so anya nkwa.

Nsunsuansoo

Medetomidine bɛtumi ama obi ada kɛse, n'ano awo, ahome brɛoo, n'akoma abɔ bɔkɔɔ na wanya mogya mmorosɔɔ, ne honam baabi bɛwoso, na wahu nneɛma.

Wɔbu medetomidine sɛ ano yɛ den na ɛwɔ ho kye sene xylazine a ɛyɛ aduro foforo a ɛma obi dwo anaa da a wɔhu wɔ fentanyl mu no.

Nnipa a wɔnomm fentanyl a medetomidine ka ho no kaa sɛ: “ɛfaa wɔn amonom ho ara, a na wɔntumi ntu wɔn nan mpo, wɔhomee brɛoo, wɔn ano woe, wɔnom boro so”. Osuahunu afoforo ne: “abufuo/ahodwiri kɛse, wote nneɛma anaa nsɛm na enni ho”.

Ahobammɔ Nneɛma

Asiane Ntesɔɔ Nnwumakuo: Nhwehwɛmu nneɛma a wɔtumi de hunu medetomidine wɔ ho. Sɛ wodwene deɛ ɛwɔ wo nnuro mu no ho a, ɛne wo mpɔtam ho asiane ntesɔɔ dwumadie no nni nkutaho na nya nsɛm a ɛfa nnubɔne nhwehwɛmu dwumadie ahodoɔ ho anaa kɔ info.streetcheck.org/madds

SafeSpot Nɔma: SafeSpot yɛ nɔma a atipɛnfoɔ anaa wɔn a wɔwɔ suahunu no bi de di dwuma, na wode din hinta a wɔbɛtumi afre berɛ biara na obi bɛhwɛ wo berɛ a wo nko ara de redi dwuma no. Frɛ (800) 972-0590 anaa kɔ safe-spot.me so.

Kuta Naloxone: Nya naloxone wɔ YouCan [youcan.info]. Sɛ wopɛ nneɛma afoforo a kɔ www.mass.gov/naloxone.

Ɛho hia sɛ wohu sɛ medetomidine wɔ nnuro bi mu sɛdeɛ ɛbɛyɛ a wɔbɛtumi asiesie wo ho na woakɔ so anya ahobammɔ.

Hwɛ sɛdeɛ nnuro a wode ma wɔ mpɔtam ho no kɔ so wɔ www.streetcheck.org.